



问曰：若无有有，应当有无¹。

答曰：

64

若使无有有，云何当有无？

有无既已无，知有无者谁？²

凡物若自坏，若为他坏，名为无。无不自有，从有而有。是故言：“若使无有有，云何当有无？”眼耳、见闻尚不可得³，何况无物？

问曰：以无有故，无亦无，应当有知有、无者。

¹ 《中观四百论·教诫弟子品》云：

若许有无宗，有宗方可立，
无宗若非有，有宗应不成。

² 一、《般若灯论释·观六界品》云：

无有体何处。无体当可得？
与体无体异，何处有解者？

二、《大乘中观释论·观六界品》云：

若使无有有，云何当有无？
有无既已无，谁为知解者？

³ 一、《中论·观六情品》云：

是眼则不能，自见其已体；
若不能自见，云何见余物？
火喻则不能，成于眼见法；
去未去去时，已总答是事。

二、以此类推，可得颂曰：

是耳则不能，自闻其已体；
若不能自闻，云何闻余物？
火喻则不能，成于耳闻法；
去未去去时，已总答是事。





答曰：若有知者，应在有中，应在无中。有、无既破，知者亦同破⁴。

65

是故知虚空，非有亦非无，

非相非可相，余五同虚空。⁵

如虚空种种求相不可得，余五种亦如是⁶。

问曰：虚空不在初、不在后，何以先破？

⁴ 《中论·观六情品》云：

见不能有见，非见亦不见；
若已破于见，则为破见者。

⁵ 一、《般若灯论释·观六界品》云：

是故知虚空，非体非无体，
非所相能相，余五同虚空。

二、《大乘中观释论·观六界品》云：

非有体无体，无能相所相。

⁶ 余五种亦如是：义谓地、水、火、风、识五种亦应如是破。
此中用识例破如下：

识相未有时，则无意识法；
若先有意识，即为是无相。
是无相之法，一切处无有；
于无相法中，相则无所相。
有相无相中，相则无所住；
离有相无相，余处亦不住。
相法无有故，可相法亦无；
可相法无故，相法亦复无。
是故今无相，亦无有可相；
离相可相已，更亦无有物。
若使无有有，云何当有无？
有无既已无，知有无者谁？
是故知意识，非有亦非无，
非相非可相，余五同意识。





答曰：地、水、火、风众缘和合故易破，识以苦乐因缘故、知无常变异故易破。虚空无如是相，但凡夫惛⁷望为有，是故先破。

复次，虚空能持四大⁸，四大因缘有识，是故先破根本，余者自破。

问曰：世间人尽见诸法是有是无，汝何以独与世间相违，言无所见？

答曰：

66

浅智见诸法，若有若无相；

是则不能见，灭见安隐法。⁹

⁷ 惛：拼音 xī，〈动〉释义：想念。

⁸ 《陀罗尼自在王菩萨修多罗》云：

[诸佛子！譬如大地依水而住，水依风住，风依空住，而彼虚空无依住处。诸善男子！如是四大地大水大风大空大，此四大中唯虚空大以为最胜、以为大力、以为坚固、以为不动、以为不作、以为不散，不生不灭自然而住。诸善男子！彼三种大生灭相应，无实体性刹那不住。诸佛子！此三种大变异无常。诸佛子！而虚空界常不变异。]

⁹ 一、《般若灯论释·观六界品》云：

少慧见诸法，若有若无等，
彼人则不见，灭见第一义。

二、《大乘中观释论·观六界品》云：

见有性无性，彼即少智慧，
无真实微妙，圣慧眼开生。
虽观于诸性，当寂止诸见，
此即胜义谛，远离一切见。





中论释



若人未得道，不见诸法实相，爱见因缘故种种戏论：见法生时谓之为有，取相言有；见法灭时谓之为断，取相言无。智者见诸法生即灭无见，见诸法灭即灭有见，是故于一切法虽有所见，皆如幻如梦，乃至无漏道见尚灭，何况余见！是故若不见灭见安隐法者，则见有、见无。

